

**KANTON SARAJEVO****SKUPŠTINA KANTONA SARAJEVO****NAROD I PRAVDA****Danijela Kristić, zastupnica**

MINISTARSTVO ZDRAVSTVA KS

ZAVOD ZDRAVSTVENOG OSIGURANJA KS

**PREDMET: INICIJATIVA**

Ovim putem podnosim inicijativu za refundiranje troškova nabavke lijeka Diazepam klizme, kojim se prekida epileptični napad ili febrilna konvulzija.

**Obrazloženje:**

Ovaj lijek neophodan je kod epileptičnih napada i febrilnih konvulzija.

Epileptični napadi kod djece mogu u ovisnosti od zdravstvene dijagnoze i stanja se ponavljati i više puta u toku dana, njihov intenzitet i frekvencija ponavljanja je nepredvidiva stoga je za očuvanje kognitivnih funkcija i života djeteta neophodno da roditelji/staratelji imaju lijekove za suzbijanje epileptičnih napada.

Febrilne konvulzije ili grčevi nastaju u povišenoj temperaturi i dešavaju se iznenada.

Epileptični napadi i febrilne konvulzije roditeljima su zastrašujući jer se ispoljavaju u dramatičnoj slici. Dijete iznenada i naglo, okrene oči u jednu stranu, izgubi svijest i trza nogama i rukama, najčešće krklja, poplavi oko usana i povremeno ima pauze disanja.

Roditelji to doživljavaju kao „da dijete umire“.

Svaki ponovljeni epileptični napad ili febrilna konvulzija može dovesti do dugotrajnih oštećenja moždanih funkcija, a u manjem broju slučajeva može se završiti i letalno.

Osim epizoda napadaja tu su i ostali čimbenici -socijalni, psihološki, ponašajni, obrazovni, kulturalni i drugi - koji utječu na život djece koja boluju od epilepsije, njihovih obitelji i bliske socijalne okoline.

Lijek se propisuje od strane neuropedijataru, u posljednje vrijeme (zadnje dvije godine) često ga nema u apotekama, pa su roditelji prinuđeni lijek tražiti u susjednim zemljama.

Bitno je istaknuti da je u zadnje dvije godine došlo do enormnog povećanja cijene za cca.120 %.

Primjetno je povećanje broja djece sa ovim problemom, a samim tim i povećanim pritiskom na roditelje /staratelje, koji u ovako teškim vremenima pored činjenice da su zabrinuti zbog dijagnoze i života njihove djece, nose veliki teret omogućavanja dostupnosti Diazepam klizmi , čija cijena dostiže gotovo visinu prosječne plaće.

Uzimajući u obzir sve navedeno, podnosim inicijativu da se vrši refundacija troškova Diazepam klizmi na nivou KS , uz prilaganje odgovarajuće dokumentacije potpisane I ovjerene od strane nadležnog lječnika.

Sarajevo 09.05.2022.godine

Zastupnica u Skupštini KS

Danijela Kristić